



| Años de Abrah. | Olimpiadas. | Imp. | Años de Cristo. |
|----------------|-------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------|
| MMCCCCL | 2 | 9. | 433 |
| | | <p>pulso Aetio in locum ejus succedens, paucis post mensibus inito adversum Aetium conflictu, de vulnere quo fuerat percussus interiit. Cui Sebastianus gener substitutus per Aetium de palatio superactus expellitur.</p> <p>Regresso Censorio ad palatium, Hermericus pacem cum Gallæcis, quos prædabatur assidue sub interventu Episcopali datis sibi reformat obsidibus.</p> <p>Symphosius Episcopus per eum ad Comitatum (1) legatus missus, rebus in casum frustratur arreptis.</p> <p>In Conventu Lucensi contra voluntatem Agrestii Lucensis Episcopi, Pæstor, et Syagrius Episcopi ordinantur. Aetius Dux utriusque militiæ Patricius appellatur.</p> | |
| 2451 | 3 | 10. | 434 |
| | | <p>Sebastianus exul et profugus effectus, navigat ad palatium Orientis.</p> <p>Romana Ecclesiæ XLII habetur Episcopus Xistus.</p> | |
| 2452 | 4 | 11. | 435 |
| | | <p>Hierosolymis Juvenalem Episcopum presidere, Germani presbyteri Arabiæ regionis exinde ad Gallæciam venientis, et aliorum Græcorum relatione comperimus, adjicientibus Constantinopolim eum cum aliis, et Palæstina Provincie et Orientis Episcopis evocatum, sub presentia Theodosii Augusti, contracto Episcoporum interfuisse Concilio ad destruendam Hebionitarum hæresim, quam Nestorius ejusdem Urbis Episcopus pravo stultissimæ Sect æresuscitabat ingenio.</p> <p>Quo vero tempore Sancti Joannes, Hieronymus, et alii, quos supra diximus, obierint, vel quis Joanni ante Juvenalem successerit, sicut et fecisse cognitum est in brevi seniore quemdam, referentum servo non edidit.</p> | |
| 2453 | CCCIV | 12. | 436 |
| | | <p>Narbona obsideri cœpta per Gothos.</p> <p>Burgundiones qui rebellaverant, a Romanis duce Aetio debellantur.</p> <p>Uno eodemque tempore Alexandria Cyrilum Episcopum præsidere, et Constantinopoli Nestorium hæreticum Hebionæum, Cyrilli ipsius ad eundem Epistola; et hæresim destruentis, et regulam fidei exponentis, ostendit. Hæc cum aliis habentur allata.</p> | |
| 2454 | 2 | 13. | 437 |
| | | <p>Narbona obsidione liberatur Aetio Duce et Magistro militum. Burgundiorum cæsa viginti millia.</p> <p>Rursos Censorius et Fretimundus legati mittuntur ad Suevos.</p> | |
| 2455 | 3 | 14. | 438 |
| | | <p>Gothorum cæsa octo millia sub Aetio Duce.</p> <p>Suevi cum parte plebis Gallæciæ, cui adversabantur, pacis jura confirmant.</p> <p>Hermericus Rex morbo oppressus, Rechilam filium suum substituit in regnum; qui Andevotum cum sua quam habebat manu ad Singilonem Bæticæ fluvium apertum marte prostravit, magnis ejus auri et argenti opibus occupatis.</p> | |
| 2456 | 4 | 15. | 439 |
| | | <p>Carthagine fraude decepta decimo quarto Kal. Novemb. omnem Africam Rex Gaisericus invadit.</p> <p>Bello Gothico sub Theodore Rege apud Tolosam Litorius Romanus Dux inconsultius cum auxiliari manu irruens, cæsis his. ipse vulneratus capitur, et post dies paucos occiditur.</p> <p>Inter Romanos et Gothos pax efficitur.</p> <p>Gaisericus elatus impie, episcopum, Clerumque Carthagini depellit ex ea; et juxta Prophetiam Danielis demutatis ministeriis Sanctorum; Ecclesias Catholicas tradit Arianis.</p> <p>Rechila Rex Suevorum Emeritam ingreditur.</p> | |
| 2457 | CCCV | 16. | 440 |
| | | <p>Gaisericus Siciliam deprædat, s. Panormum diu obsedit: qui damnati a Catholicis Episcopis Maximini, apud Sici-</p> | |

(1) El *Condado* significa aquí la córte donde residia el jefe principal.



| Años de Abrah. | Olimpiadas. | Imp. | Años de Cristo. |
|----------------|-------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------|
| 2458 | 2 | 17. | 441 |
| | | <p>Rex Suevorum, diuturno per annos septem morbo afflictus, moritur Hermericus.</p> <p>Rex Rechila, Hispali obtenia, Bæticam, et Carthaginiensem Provincias in suam redigit potestatem.</p> <p>Sabino Episcopo de Hispali factione depulso, in locum ejus Epiphanius ordinatur fraude, non jure (1).</p> <p>Asturius Dux utriusque militiæ ad Hispanias missus, Tarraconensium cædit multitudinem Bacaudarum (2).</p> | |
| 2459 | 3 | 18. | 442 |
| | | <p>Cometæ sidus apparere incipit mense Decembri: quod per menses aliquot visum, subsequentis in pestilentia plagæ, quæ ferè in toto orbe diffusa est, præmisit ostentum.</p> <p>Constantinopolitana Ecclesiæ, depulso Nestorio, præsidet Episcopus Flavianus.</p> | |
| MMCCCCLX | 4 | 19. | 443 |
| | | <p>Asturio Magistro utriusque militiæ gener ipsius successor ipsi mittitur Merobaudis, natu nobilis, et eloquentiæ merito vel maxime in poematis studio veteribus comparandus, testimonio etiam provehitur statuarum. Brevi tempore potestatis suæ, Aracellitanorum frangit insolentiam Bacaudarum. Mox nonnullorum invidia perurgente, ad urbem Romam sacra præceptione revocatur.</p> | |
| 2461 | CCCVI | 20. | 444 |
| | | <p>Sebastianus illic quo confugerat, deprehensus sibi adversa moliri, e Constantinopoli fugit admonitus, et ad Theodorem Regem Gothorum veniens, conquæsitam sibi qua potuit Barcinonam hostis ingreditur.</p> | |
| 2462 | 2 | 21. | 445 |
| | | <p>In Asturicensi urbe Gallæciæ, quidam ante aliquot annos latentes Manichæi, gestis Episcopilibus deteguntur, quæ ab Idatio et Turibio Episcopis, quibus audierant, ad Antoninum Emeritensem Episcopum directa sunt.</p> <p>Wandali navibus Turonio in litore Gallæciæ repente advecti, familias capiunt plurimorum.</p> <p>Sebastianus de Barcinona fugatus migrat ad Wandalos.</p> <p>Per Episcopum Romæ tunc præidentem gesta de Manichæis per Provincias dirigitur.</p> | |
| 2463 | 3 | 22. | 446 |
| | | <p>Vitus, Magister utriusque militiæ factus, ad Hispanias missus, non exigæ manus fultus auxilio, cum Carthaginienses vexaret et Bæticos, succedentibus cum Rege suo illic Suevis, superatis etiam in congressione, qui ei ad deprædandum in adjutorium venerant Gothis, terribus miserabili timore diffugit. Suevi exin illas Provincias magna deprædatione subvertunt.</p> | |
| 2464 | 4 | 23. | 447 |
| | | <p>Romane Ecclesiæ XLIII præsidet Episcopus Leo (3): hujus scripta per Episcopi Turibii Diaconem Pervincum contra Priscillianistas ad Hispanienses Episcopos deferuntur. Inter quæ ad Episcopum Turibium de observatione Catholice Fidei, et de hæresum blasphemis, disputatio plena dirigitur, quæ ab aliquibus Gallæcis subdolo probatur arbitrio.</p> <p>Solis falta defectio die decimo Kal. Januariæ, qui fuit tertia Feria (4).</p> | |

(1) V. la nota 11.

(2) V. la nota 11, núm. 2.

(3) V. la nota 12.

(4) V. la nota 13.



| Años de Abraham. | Olimpiadas. | Imp. | Años de Cristo. |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------|------|-----------------|
| 2465 | CCCVIII | 24 | 448 |
| <p>Rechila Rex Suevorum Emeritæ gentilis moritur mense Augusto: cui mox filius suus Catholicus Recharius succedit in regnum, nonnullis quidem sibi de gente sua æmulis, sed latenter. Obtento tamen regno, sine mora ulteriores regiones invadit ad prædam.</p> <p>Pascentium quemdam urbis Romæ, qui de Asturica diffugerat, Manichæum Antoninus Episcopus Emirate comprehendit, auditumque etiam de Provincia Lusitania facit expelli.</p> <p>Per Aiulfum Hispali Censorius jugulatur.</p> | | | |
| 2466 | 2 | 25 | 449 |
| <p>Recharius accepta in conjugium Theodori Regis filia, auspiciatus initium Regni, Vasconias deprædatur mense Februario.</p> <p>Basilus ob testimonium egregii ausus sui congregatis Bacaudis in Ecclesia Tyriasone federatos occidit, ubi et Leo ejusdem Ecclesiæ Episcopus, ab eisdem qui cum Basilio aderant, in eo loco obiit vulneratus.</p> <p>Recharius mense Julio ad Theodorem socerum suum profectus, Cæsaraugustanam regionem cum Basilio in reditu deprædatur. Irrupta per dolum Ilerdensi urbe, acta est non parva captivitas.</p> | | | |
| 2467 | 3 | 26 | 450 |
| <p>Asturius vir illustris ad honorem provehitur Consolatus (449).</p> <p>«De aquí en adelante están viciados los números imperiales, como se explicará en la nota 14. Pero sin alterar el orden publicado, ponemos al fin de cada párrafo, entre paréntesis, el año que se debe atribuir á los sucesos, segun lo que se dirá en la nota citada.»</p> <p>Sebastianus exul factus, ad perniciosam sibi, sicut post exitus docuit, Gaiserici confugit potestatem: parvo post tempore quam venerat, per eum jubetur occidi (449).</p> <p>De Gallis Epistolæ deferuntur Flaviani Episcopi ad Leonem Episcopum missæ cum scriptis Cyrilli Episcopi Alexandrini ad Nestorium Constantinopolitanum de Eutychete Hebionita hæretico, et Leonis Episcopi ad eum, dem responsa: quæ cum aliorum Episcoporum et gestis et scriptis, per Ecclesias diriguntur (449).</p> | | | |
| 2468 | 4 | 27 | 451 |
| <p>Theodosius Imperator moritur Constantinopoli anno ætatis suæ quadragesimo octavo (450).</p> <p>Post quem XLIII statim apud Constantinopolim Marcianus a militibus et ab exercitu, instante etiam sorore Theodosii Pulcheria Regina, efficitur Imperator. Qua sibi in conjugium adsumpta regnat in partibus Orientis (450).</p> | | | |
| 2469 | CCCVIII | 28 | 452 |
| <p>Valentiani Imperatoris mater Placidia moritur apud Romam (450).</p> <p>In Gallæcia terremotus assidui signa in Cælo plurima ostenduntur. Nam pridie Nonas Aprilis tertia Feria post Solis occasum ab Aquilonis plaga Cælum rubens sicut ignis, aut sanguis, efficitur, intermixtis per ignem ruborem lineis clarioribus in speciem hastarum rutilantium deformatis: a die clauso usque in horam noctis fere tertiam signi durat ostensio, quæ mox ingenti exitu perdocetur (450).</p> <p>Gens Hunnorum pace rupta deprædatur Provincias Galliarum: plurimæ Civitates effractæ: in Campis Catalunicis haud longe de Civitate, quam effregerant, Mettis, Aetio Duci, et Regi Theodori, quibus erat in pace societas, aperto Marte configens, divino cæsa superatur auxilio: bellum nox intempesta diremit. Rex illic Theodores prostratus occubuit: CCC ferme millia hominum in eo certamine cecidisse memorantur (451).</p> <p>Multa anno signa procedunt. Quinto Kal. Octobris a parte Orientis Luna fuscatur. In diebus sequentis Pas-</p> | | | |



| Años de Abraham. | Olimpiadas. | Imp. | Años de Cristo. |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------|------|-----------------|
| MMCCCLXX | 2 | 29 | 453 |
| <p>Secundo regni anno Principis Marciani, Hunni qui Italiam prædabantur, aliquantis etiam Civitatibus irruptis, divinitus partim fame, partim morbo quodam plagis cælestibus feriuntur: missis etiam per Marcianum Principem Aetio Ducer cæduntur auxiliis; pariterque in sedibus suis, et cælestibus plagis, et per Marciani subiguntur exercitum: et ita subacti, pace facta cum Romanis proprias universi repetunt sedes, ad quas Rex eorum Attila mox reversus interiit (453).</p> <p>Ad Suevos Mansuetus Comes Hispaniarum, et Fronto similiter Comas, Legati pro pace mittuntur, et obtinent condiciones injunctas (453).</p> <p>Thorismo Rex Gothorum spirans hostilia, a Theodorico et Frederico fratribus jugulatur: cui Theudoricus succedit in regno (453).</p> | | | |
| 2471 | 3 | 30 | 454 |
| <p>Tertio regni anno Principis Marciani Regina moritur Pulcheria mense Julio (454).</p> <p>Per Fredericum Theodorici Regis fratrem, Bacaudæ Tarraconenses cæduntur ex auctoritate Romana (454).</p> <p>In Gallæcia terræmotus; et in Sole signum in Ortu quasi altero secum concertante, monstratur (454).</p> <p>Aetius Dux et Patricius fraudulenter singularis accitus, intra palacium manu ipsius Valentiniani Imperatoris occiditur. Et cum ipso per spatarium ejus aliqui singulariter intromissi jugulantur honorati (454).</p> <p>His gestis Legatos Valentinianus mittit ad gentes, ex quibus ad Suevos venit Justinianus (454).</p> | | | |
| 2472 | 4 | 31 | 455 |
| <p>Quarto regni anno Principis Marciani per duos barbaros Aetii familiares Valentinianus Romæ Imperator occiditur in campo, exercitu circumstante, anno ætatis suæ XXXVI et regni XXXI. Post quem mox Maximus ex Consulibus XLIII Romæ Augustus appellatur: qui cum Imperator factus relictam Valentiniani sibi duxisset uxorem, et filio suo ex priore conjugio Palladio, quem Cæsarem fecerat, Valentiniani filiam in conjugium tradidisset, magnorum motuum, quos verebatur, perturbatione distortus, et quia in occisorum per Valentinianum, et in ipsius interitum Valentiniani, ambitu regni consilia scelestæ patrata contulerat, cum imperium deserere vellet, et Romam, vix quatuor regni sui mensibus expletis, in ipsa urbe tumultu populi et seditione occiditur militari (455).</p> <p>Ipo anno in Gallis Avitus Gallus civis ab exercitu Gallicano, et ab honoratis, primum Tolosæ, dehinc apud Arelatum, Augustus, appellatus, Romam pergit, et suscipitur (455).</p> <p>Usque ad Valentinianum Theodosii generatio tenuit principatum (455).</p> | | | |
| 2473 | CCCIX | 1 | 456 |
| <p>Romanorum XLIII Marcianus quarto jam regni sui anno obtinet monarchiam (456).</p> | | | |

(1) Este es el que llamamos Turismundo, hijo de Teuderredo.



Años de Abrahan. Olimpiadas. Imp.

Años de Cristo.

Per Avitum, qui a Romanis et evocatus et susceptus fuerat imperator, Legati ad Marcianum pro unanimitate mittuntur Imperii (456).

Gaisericus sollicitatus a Relicta Valentiniani, ut malum fama dispergit, priusquam Avitus Augustus fieret Romam ingreditur, direptisque opibus Romanorum Carthaginem redit, relictam Valentiniani et filias duas, et Aetii filium Gaudentium nomine, secum ducens (456).

Suevi Carthaginenses regiones, quas Romanis reddiderant, deprædantur (456).

Marcianus et Avitus concordēs principatu Romani utuntur Imperii (456).

Per Augustum Avitum Fronto Comes Legatus mittitur ad Suevos. Similiter et a Rege Gothorum Theudorico, quia fidus Romano esset Imperio, Legati ad eosdem mittuntur, ut tam secum, quam cum Romano Imperio, quia uno essent pacis fœdere copulati, jurati fœderis promissa servarent. Remissis Legatis utriusque partis, atque omni juris ratione violata Suevi Tarraconensem Provinciam, quæ Romano Imperio deserviebat, invadunt (456).

De Erulorum gente septem navibus in Lucensi litore aliquanti advecti, viri ferme CCCC expediti, superventu multitudinis congregatæ duobus tantum ex suo numero effugantur occisi: qui ad sedes proprias redeuntes, Cantabriorum et Varduliarum loca maritima crudelissime deprædati sunt (456).

Legati Gothorum rursus veniunt ad Suevos: post quorum adventum Rex Suevorum Recharius cum magna suorum multitudine regiones Provincie Tarraconensis invadit, acta illic deprædatione, et grandi ad Gallæciam captivitate deducta (456).

Mox Hispanias Rex Gothorum Theudoricus cum ingenti exercitu suo, et cum voluntate et ordinatione Aviti Imperatoris ingreditur. Cui cum multitudine Suevorum Rex Recharius occurrens, duodecimo de Asturicensi urbe milliario ad fluvium nomine Urbicum, tertio Nonas Octobris die, sexta Feria, inito mox certamine superatur; cæsis suorum agminibus, aliquantis captis, plurimisque fugatis, ipse ad extremas sedes Gallæciæ plagatus vix evadit ac profugus (456).

Theudorico Rege cum exercitu ad Bracaram extremam Civitatem Gallæciæ pertendente quinto Kal. Novembris die Dominico, etsi incruenta fit tamen satis mœsta et lacrymabilis ejusdem direptio Civitatis. Romanorum magna agitur captivitas captivorum, Sanctorum Basilicæ effractæ, altaria sublata atque confracta, Virgines Dei exin quidem abductæ, sed integritate servata, Clerus usque ad nuditatem pudoris exutus, promiscui sexus cum parvulis, delocis refugii Sanctis populus omnis abstractus, jumentorum, pecorum, camelorumque horrore locus sacer impletus, scripta super Hierusalem ex parte cælestis iræ revocavit exempla (456).

2474 2 2. Recharius ad locum, qui Portucale appellatur, profugus Regi Theudorico captivus adducitur: quo in custodiam redacto, ceteris qui de priore certamine superfuerant, tradentibus se Suevis, aliquantis nihilominus interfectis, regnum destructum et finitum est Suevorum (456).

Hisdem diebus Rechimeris Comitis circumventionem magna multitudo Wandalorum quæ se de Carthagine cum LX Navibus ad Gallias, vel ad Italiam moverat, Regi Theudorico nuntiatur occisa per Avitum (456).

Hesychnus Tribunus Legatus ad Theudoricum cum sacris muneribus missus ad Gallæciam venit, nuntians



Años de Abrahan. Olimpiadas. Imp.

Años de Cristo.

ei id quod supra, in Corcisa cæsam multitudinem Wandalorum, et Avitum de Italia ad Gallias Arelate successisse. Orientalium naves Hispalim venientes per Marciani exercitum cæsas nuntiat (456).

Ociso Rechario mense Decembri, Rex Theudoricus de Gallæcia ad Lusitaniam succedit (456).

In conventus parte Bracarensis latrocinantium deprædatio perpetratur (456).

Aiulfus deserens Gothos in Gallæcia residen (456).

Suevi qui remanserant in extrema parte Gallæciæ, Massilia filium nomine Maldram sibi Regem constituunt (456).

Theudoricus Emeritam deprædari volens, Beata Eulalia Martyris terretur ostentis (456).

2475 3 3 Tertio anno Avitus Septimo mense, posteaquam à Gallis, et a Gothis factus fuerat Imperator, caret imperio: Gothorum promisso destitutus auxilio caret et vita (1) (457).

In Orientis partibus septimo anno Imperii sui moritur Marcianus (457).

Romanorum XLIV Majorianus in Italia, et Constanti-nopoli Leo, Augusti appellantur (457).

2476 4 1 Theudoricus adversis sibi nunciis territus, mox post dies Paschæ, quod fuit quinto (2) Kal. Aprilis, de Emerita egreditur, et Gallias repetens, partem ex ea quam habebat multitudine variæ nationis, cum Ducibus suis ad campos Gallæciæ dirigit, qui dolis et perjuriis instructi, sicut eis fuerat imperatum, Asturicam, quam jam prædones ipsius sub specie Romanæ ordinationis intraverant, mentientes, ad Suevos qui remanserant jussam sibi expeditionem ingrediuntur pace fucata solita arte perfidiæ. Nec mora promiscui generis reperta illic caditur multitudo, sanctæ effringuntur Ecclesæ, altaribus directis et demolitis, sacer omnis ornatus et usus aufer-tur. Duo illic Episcopi inventi cum omni Clero abducuntur in captivitatem: invalidior promiscui sexus agitur miseranda captivitas: residuis et vacuis Civitatis, domibus datis incendio, camporum loca vastantur. Palentina Civitas simile quo Asturica per Gothos perit exitio. Unum Coviacense castrum tricesimo de Asturica milliario a Gothis diutino certamine fatigatum, auxilio Dei hostibus et obsistit et prævalet: quam plurimis ex eorum manu interfectis, reliqui revertuntur ad Gallias (457).

Aiulfus dum regnum Suevorum spirat, Portucale moritur mense Junio (457).

Suevi in partes divisi pacem ambiunt Gallæciarum: e quibus pars Frantanem, pars Maldram Regem appellat. Solito more perfidiæ Lusitaniam deprædatur pars Suevorum Maldram sequens: acta illic Romanorum cæde, prædisque contractis Civitas Ulyxippona sub specie pacis intratur (457).

(3) Frantanes moritur per Pascha et Pentecostem, Jubente Maldra Suevi in solitam perfidiam versi, Regionem Gallæciæ adhaerentem flumini Durio deprædantur (458).

Quinto Idus (4) Junias die quarta Feria ab hora quarta in horam sextam ad speciem Lunæ quintæ vel sextæ Sol de lumine orbis sui minoratus apparuit (458).

2477 CCCX 2 Gothicus exercitus Duce suo Cyrila a Theudorico Rege ad Hispanias missus mense Julio succedit ad Beticam. Legati Gothorum et Wandalorum pariter ad Suevos veniunt et revertuntur (458).

(1) Véase la nota 14, núm. 5.

(2) II. Kal. April. Véase la nota 14, núm. 4.

(3) V. la nota 14, n. 8.

(4) V. Kal. Jun. V. la nota 14, n. 8.